


9
4186
21



門口 9
號 4186
卷 21

福壽根基

揚州石天基撰集

家寶二集

人情世事須知
警醒明通要法

本衙藏板

此初集
刻者一篇不入

昭
和
日
文
作
氏
贈



天基石年翁家寶三集刻竣正遇七

美十壽辰余漫以俚言二律愧弁於

小首是亦序引之愚式也社弟姚恭

拜艸時年八十有三樂自真

稀齡崇漢典舊德屬今人著述披奇

序律

利

秘衿懷本樸淳歲寒松愈勁秋老菊

猶新何必榮軒冕庭除樂自真

其一

小聚無多客比隣得素心園蔬克饌

美尊酒坐更深不羨羣爭巧相期共

惜陰世事俱叅透整日樂欣欣

其二

傳家寶三集總目

吉徵集

功券集

羣珠集

紳瑜集

聯瑾集

命銓集

心律集

常歌集

俗諺集

文字竅

讀書法

讀書藥

舉業蓓蕾

長壽譜

救命針

食鑑本草

食愈方

治病神方

延壽丹方

雨花香計三十四種

通天樂 計十二種

傳家寶

吉

人情世事須知
修身齊家要法

揚州石成金天基訂補

每日天明即早起。

清晨桌地帚掃潔淨。親友一到。僕從已拱立候命。主人已盥沐相迎。而又有熱茶奉敬。此即許多光輝。有等人家。日出多高。尚在夢鄉。客至多時。寂無人應。以日作夜。以夜作日。衰敗可待矣。

每日天晚即早睡。

冬寒夜長。可以遲睡。勤業外。其餘三時。天一昏黑。俱宜早睡。要知早睡有六益。家長早睡。則子弟家人俱早睡。可免姦盜酗酒賭博之害。一也。房中厨下。可免火災。二也。早睡則夜半正值睡醒。可防盜賊之偷竊。三也。早睡則次日早起。勤理本業。不致沉昏失曉。四也。省許多油燭之費。五也。不黑暗則厨下鍋碗器物。不致跌損。六也。遲睡反此六損矣。子弟家人。俱各有事。不令閒懶。

小人閒居爲不善。各授其事。無論大小。須令辛勤治辦。不獨自食其力。且無閒工。及於嫖賭壞事矣。婦女不識字。不看書。

貞烈好書。並不喜看淫詞小說。背人看得心醉神飛。所以寧可令人稱其無才。不可令人稱其無德。容易不演戲。

優人最勢利。少有簡慢。則生譏誚。且近日演忠孝節義者少。如有大喜慶事方用。餘俱可省。

家中無棋。骰紙牌籌具。卽見他人有者。亦不入手。近日馬弔盛行。士大夫儼然爲之而不恥。卽令此中有千變萬化。但想手持者何物。豈不愧極。總因不肯習靜。又不讀書。所以爲之。賭博大害切戒。至於圍棋象棋牙牌雙陸。徃徃廢時失事。亦須切戒。外無姣童。

家無俊僕。姣童。不惟省自己防閒。且免他人疑議。內無老婢。

禁錮老婢。二十歲以外。尚不爲之擇配。大傷陰德。奴僕下人。見客至。低聲緩答。小心婉容。

門前僕從。見士人過。毋論識與不識。皆起身直立。遇諸途。皆側立讓行。如至其家。問話。皆低聲緩答。此雖細事。主人之忠厚不忠厚。奴僕之生事不生事。俱因此而可知也。

座上有二十年前老友。門下有祖父遺留老僕。如此方稱得個世家。

架上無齊整書。

本本精良。手且未觸。於目何有。但觀架上。便知腹中。僕從不與主人同坐者並坐。

卽貧友踈親。亦與主人同列。何至與奴僕爲伍。此風倡自篋片。主人得意時。承奉奴僕。惟恐少失其意。殆失勢之後。飲恨報復。敗家受禍。往往由此。僕從各隨其姓。

卽自幼僕子。亦令各姓其姓。不昧人宗祖。卽後亦

不亂吾支派。防微杜漸。前人都有深意。不學蘇意。

輕嘴薄舌。不離幫閒。吃茶燒香。總屬狡獪。

口中無刻薄尖酸議論。

一言而傷天地之和。一言而折終身之福。可畏哉。前輩格言。常在壁上口頭。

聖賢好言。存之於心。則能體而行之矣。目中口頭。已有二三分受用處。

肯爲人宛轉寄家信。

不浮沉已屬盛德更能宛轉以期必達更爲陰隱以此類推凡事肯爲人方便可知。

十二歲以上小童不入內戶十二歲以上女童不出內戶近來小孩最是尖峭不可因其小而忽之。

不夜飲。

不夜飲則奴僕無姦盜詐僞矣且次日文能早起辛勤治事卽或宴客下午早請定更而散。

肯爲人說眼前報應肯聽人說報應事。

眼前報應顯明易見莫說閻王過陰事反增不信不以病試醫。

不告醫者得病之由令其暗中摸索取死之道也肯將應驗好藥方或抄或刻送與人救治病患。

施方固勝施藥或能製藥數種常送人治病更妙肯周濟貧親友或助人婚嫁或代完官贖不做佛事。

此是實德事佛亦大喜。

內人安靜無呪罵高聲。

內聲不聞於外。便是好人家。若或牡鷄司晨。婦女干政者。犬不祥也。

躬送破衣親友出門外。

破衣親友在坐者。聞有躬送門外。則以爲恥矣。要知待失意人不難。有恩而難有禮。此語須當體驗。此等事最傷人心。亦令人容易肯破你勢利心腸。受人賀分。卽一筵一絲無微不答。

富貴人受貧賤人禮物。以爲當然。此大折福之事。亦大歛怨之事也。須知其從典賣而來。不戲謔父執貧友。

既知其爲父執。又輕之爲貧人。且又戲之謔之。不如已友者。孝子慈孫。斷不如是。日用戩秤斗尺。出入一樣。

聖人置此。原所以平人之心。若出入兩樣。不獨欺人。而且欺天矣。斷難久長。

案頭無淫書。

作淫詞小說之人。俱有非常惡報。歷歷不爽。案頭如有片紙隻字。盡當焚却。壞心術。喪行止。皆此等書。引誘人家兒女。豈無識字者。畧回想。豈不可懼。有讀書紡織聲。

入其門。聞誦讀聲。可知其子之賢。聞紡織聲。可知其內之賢。若酒肉之氣。勝便不是好人家。然而全在家長之賢。能終可致此。

成人田房產業。價值平色。都公道。

人當賣產。必窮困莫支。萬不得已。而棄故業。置產之家。卽授之值。亦且展手無存。豈爲富不仁者。窺其窘迫。陽拒而陰勾之。以重折其價。自爲得計。殊不知天道好還。彼蒼已默奪之矣。不以金銀珠寶。裝飾小兒。

富家有愛其小兒者。餘以金寶。小人於僻靜處。環其性命。取其寶物。雖聞於官。寘於法。何益。

不譏誚人。

人能不笑人窮。不鄙人儉。便爲長者。要知世界每多缺陷。如貧賤殘疾龍聾瞽痴呆之類。不可悉數。是皆前生積作所致。舌以尖利之言。縱口譏誚。不獨大傷我之長厚。且又是歛怨取禍之道。笑人者。常不如人。焉知異日自己又不被人譏誚耶。

不談人家閨閫事。

男女私情。最是暗昧。今言之鑿鑿。如曾目覩鬼神。

在傍。何不說得畧活動些。犯此者。每見極惡果報。非止自己妻女。被人談論而已。可不畏哉。

做事先愁後悔。

爲一切事。都要慎之於始。思前想後。自然無悔矣。不到兌換鋪內。換色銀用。

有紋銀。卽用紋銀。若應用一兩者。不妨紋折九錢八錢。何苦將紋銀。反換迷假色銀。展轉歸與窮人。虧折慘楚。告訴無門。便宜少而損德多矣。

厚待汗力貧苦人。

田野小民。半粟尺布。入市營求。一家饑寒所望。我却要在他身上去討便宜。能有幾何。於心安乎。其肩挑步担。販賣菜物。小本貧民。脚夫驕夫。汗力苦人。更須價公而銀紋戥準。積德不小。

不任意縱談。

言未出口。先要存想此言。可說得說不得。若信口縱談。則惹是非。起災禍。總由於此。可不戒哉。

不生非分之想。

能安本分。免許多憂愁之苦。享許多快樂之福。見一切人。惟有謙虛。

高敖自大者。人皆憎惡。乃量小福薄之人也。

受人些小侵侮。不輕易計較。

仕宦居家。被人侵侮。固亦常有是事。然畢竟是我好處。若令人望影遠避。無敢拾田中一穗者。目今雖足快意。未久有後之侵侮者。更大矣。

敬惜字紙。

人之聰明知識。功名富貴。都賴此字而得。若不存心敬惜。乃是忘木無福之人。豈有好報耶。所以凡見字紙。雖在泥污之中。亦必拾聚。焚之。

珍重五穀。

米穀是生命之原。試想兩餐不食。則饑不可忍。金珠雖貴。亦不及此。一粟一粒。俱從汗力辛苦中得來。少有輕賤。是自種趨貧之根矣。

閱卽手不釋卷。

有好書。閱卽展看。如與聖賢對語。才學日進。道理日精。所謂開卷有益也。雖有他樂。吾不易此。

一切舉動用度。俱從儉朴。不學富貴人家行事。

凡衣食房屋婚喪餽宴諸事。俱要量入爲出。惟從省儉朴實。切不可恐人鄙笑。遂而奢費窘迫也。

立一善行。必堅不可移。

善志不堅。未久更變。轉令德行中阻。真爲可惜。

婦女不出外遊山玩水。入寺燒香看燈看會。
婦女謹守內室。勤辦家務。總是內助之賢淑。如好
間遊戲耍。決非好婦女也。

子弟家人循循然時存敬畏。都知尊卑長幼之儀。
子弟家人諸事不自專行。早晚出入都稟命家主。
時存敬畏。乃日漸發旺之象。有等人家子弟。日無
尊長。行止放肆。不聽教誨。壞事亂爲。災禍可待矣。
子弟交往之人。都是端方德行君子。

前人云。與善人居。如入芝蘭之室。久而不聞其香。
卽與之化矣。與不善人居。如入鮑魚之肆。久而不
聞其臭。亦與之化矣。所謂近朱者赤。近墨者黑。近
賢者明。近良者德。近愚者暗。近偷者賊。不可不慎
也。是以父兄督教子弟。惟在遴擇所與之人。須廣
延端方德行君子。共其往來遊處。心志言行。日習
好矣。子弟寧可終歲不讀書。不可一日近小人。凡
下流匪類。一槩禁絕。則種種壞事。無自而入矣。

諸事能容忍。

有涵養。卽有厚福。一毫之拂。卽勃然而怒。乃不能容也。一事之違。卽憤然而發。乃不能忍也。此是無涵養之力。薄福之人。必至於敗德而償事矣。

心內極其精明。外面極其渾厚。

精明則我不受人之欺。渾厚則人不怨我之刻。所以人之黑白。只宜在心。不宜在口。乃涉世妙法。

居不廣濶。

人家屋宇。若太廣深濶。則陰氣盛而人氣不能充。所以其勢不得堅久。且居者多不利。此昔人有木妖之說。謂其不安人也。

三姑六婆不入門。

尼姑道姑。嫖娼。一切外來婦女。或以換賣金珠衣物爲由。或以針灸推拿。鬼神過陰。布施祈禱爲名。俱不可令其穿房入室。脫騙內人財物米糧。更有勾引諸般醜事。昔人比爲三刑六害。極當禁戒。

門戶廳堂修理整齊。担掃潔淨。

居室不整。塵灰滿案。雖有高堂大廈。亦是衰敗之兆。務要修理整齊。担掃潔淨。乃發福興旺之家也。不借人利債。

除官糧利債。饑寒至緊之外。其餘費用。俱不可輕易借債。要知時光迅速。瞬息一月。倏忽半年。我之每日辛勤謀來利息。盡是代他人爲持。日漸貧窮。都由於此。切勿以借得來。或以人肯借與我。卽爲

欣喜得意也。

不借債與人。

親友不貧寒者。不來借貸。反至借去。後來取討。勢必維艱。結怨招尤。莫過於此。或有喜慶婚喪急事。可量力少助。既不怨尤。彼又甚喜也。

保守祖父遺留田房產業器物。

要知祖父當日置此。不知費幾許心血。不知歷幾許辛勤。雖寸土尺木。亦不可輕棄。

隱惡揚善。

隱人之惡揚人之善。不獨自己留存厚道。亦是免禍消愆之妙法。

不面忤人。

惹怨招尤。莫過於此。卽不可爲之事。亦當婉辭。

不延妓女至家。

看其模樣行止。壞少年子女許多操守。最爲大害。

早完官糧。

縣官錢糧。自有定期。須要將家務日用。每年計算若干。預留此項。先期完納。免許多催擾傍費。省許多比較代累。享許多自在快活。諺云。要得寬先完官。真格言也。

時時防火。夜夜防賊。

火盜最爲大害。時刻須要提防。切莫大意。慢事。

父子兄弟。一心一意。

父子竭力。山成玉。兄弟同心。土變金。

若無大受欺凌之事。輕易不告狀結訟。

奸訟必貧。凡事須要寬容忍讓。聽人和解。此保家第一法也。他人如有爭訟者。亦須竭力勸息。

若非官糧私債。饑寒至急之事。輕易不當當。

物之價多者。總賢少。但歲月如梭。轉眼之際。本利盡爲典舖算去。更有平色之加增。查取之守候。是以好當之家。未有不日漸貧敗者。予友史搢臣開典。遇人來當。當却用戒詞。刻印小紙。包銀與之。予

畧改數字。附載於此。切須謹戒。詞曰。應急之中。雖典當也。須籌度商量。筭來緊事。兩三樁。買柴和買米。私債並官糧。此外消磨。都可惜。莫因捷便。輕嘗臨時本利。更何償。不如裁冗費。節省是良方。

多積柴米。

積薪須易室謹
閉否則火害不小

米糧柴草。必須多積。寧可有餘。不可欠缺。要知家中人口。諸事可以減省。腹饑何能久待。倘遇有估悞。或風雨攔阻。勢難接應。豈不露醜。

每晚照管門戶。關閉緊實。

每晚親自照看門戶。不可盡托奴婢下人。



傳家寶

功券

人情世事須知
修身齊家要法

揚州石成金天基添補

消災免劫積福積壽積子孫積科第券

請想於某年間自流寇發難之後海內之橫罹刀兵
離杯父母散失妻子者十之七八其中得以安居樂
業父母聚首妻子團集者不思省愆修善答謝天譴
倘或劫運復臨收艱補漏何及今特指出一條消災
免劫積福積壽積子孫積科第捷徑好路只要大家

時時勉強力行。粘之庄壁。置之案頭。觸目警心。自可
由勉獲安。刀兵永遏。如不費錢功德。誘之曰難。則前
此之修心了道。延知。以後者不知凡幾。何以人可能
而我獨不可能。如費錢功德。誘之曰我命該富貴榮
華也。彼命該流離困苦也。不知我之命何以獨該富
貴榮華。則從前世之行善中來。無疑矣。彼之命何以
獨該流離困苦。則從前世之不肯行善而造惡業中
來。無疑矣。况刀兵水火盜賊疾病刑獄。以反促壽。敗

兒絕嗣等事。不能禁。後來不臨到我身上。并不能禁
今晚明朝。不臨到我身上。呼思及於此。甚可畏哉。達
人君子。何不及早回頭。行我不費錢功德。以消災免
劫。積福積壽。積子孫。積科第。若持左券也。

官長不費錢功德

有利必興

有害必除

案無留牘

庭無滯件

嚴處盜賊

重懲賭博

嚴禁掠賣

軫恤獄囚

保全善類

矜原錯誤

不輕標判籤票 不濫差人

誣告必坐

則刀棍不得
破人家產

唆訟必懲

則訟端息而
人得安生

不輕拘婦女

不輕用重刑

不妄逞已見

不徇情屈法

不知情故枉

不執法太苛

不斷離婚姻

不拆散骨肉

不輕易送監舖

不輕徇公舉

不輕拿富家

不聽聽左右

水旱早報災傷

饑荒設法賑濟

錢糧稅字催科

疑專務期得情

難事細心求理

平心卑理冤抑

力挽奢侈

禁宰耕牛

農事必需
愛物仁民

不輕累鄰佑鄉保

遇好事多方曲

遇壞人刑教並用

不枉法壞人功名

不逞忿傷人性命

老幼病廢不輕易責

人方傷心不輕易責

盛寒炎暑不輕易責

隨行遠路不輕易責

已櫻夾者不再責

先責過者不再責

嚴禁衙役詐害百姓

不縱假東誣詐良民

獲盜即親審

不致拔
累無辜

不作威

威則下
情不達

不動怒

怒則受
者難當

不偏護原告

不以有害地方事逢迎上司

不作驚駭耳目事沽買名譽

事不可行者。雖奉嚴檄。必極力挽回。

情有可原者。雖係成案。必加意矜恤。

寬一分。則民受一分之福。

省一事。則民少一事之擾。

嚴戢捕役。牢囚飛詐良善。

鬪毆人命。或故或誤。為首為從。俱細分定罪。

嚴懲勢宦豪強。訟師扛証。不令播惡。

能摘發奸蠹。神棍置之於法。不使騙詐愚民。

能誨誘頑民。平其忿心。令息爭息訟。

責人須明告其罪。令其知改。要受者愧服。見者警戒。

詞狀內。但有婦女。非閔緊要者。即與抹去。

耐煩聽訴。令原被告各盡吐其情。

有力稍力無力。聽其自認。不以贖援。謾上官。

不填越訴。只平平照常理斷。

一時錯枉。片念撥轉。不吝改過。

事到面前。據理直斷。及到別衙門。隨他轉辯。

供招出入。自爲簡點。不使吏胥上下其手。
考較公明。不沮抑孤寒。

開報生員優劣採訪的確。令人知所勸懲。

無力犯人。當時的決納贖徒犯。亦准召保。不擅監禁。
牢廩傳染。分付獄卒。掃除積穢。多焚蒼朮。多貯涼水。

武官不費錢功德

師行有紀

不屠城邑

不擄掠子女

不殺良冒功

不殺已降

不毀燒房舍

不賄縱渠魁

不剋減軍糧

不因賊邀利

不損人墳墓田禾

恤士卒饑寒疾苦

禁兵丁騷擾鄉民

鄉紳不費錢功德

倡率義舉

正己化俗

不說昧心人情

不包攬公家事

不侵佔人田園

不強買人產業

不擺搭低色銀

不借端害人

不謀奪人風水

不指勒人價值

不輕聽僕從言

不指苦俱工佃戶

不蓄羊豕殘食禾苗

不許僕從生事

不強賒取貨物

有利益於地方之事極力向公祖父母開陳
民間有真正大冤抑不避嫌疑極力公行表白

幕友不費錢功德

不欺東君 不倚官勢 不想昧心錢

不作虧心事 盛寒炎暑諫省刑 細心理詞卷

地方有利弊之真力勸東家興除

民情冤抑贊成東家剖雪

東家盛怒阻其出堂理直

大衆不費錢功德

敬畏天地三光 尊奉神明 竭力孝順父母

友愛兄弟 矜恤鰥寡孤獨 敬老憐幼

克勤克儉 戲秤升斗畫一公平 曲成方便

尊重師友 和睦鄰里親族 完婦女節操

解人憂愁怕怒 獎掖後學 延人後嗣

指人津路 喜揚人善事 勿播人惡

傳寫各方療人病 敬惜字紙 息人爭訟

雪人冤抑	不作誑語	不負寄托
引已推善與人	不使勢要	不炫才智
不忘人恩	不念人過	不暴殄天物
不妄起淫心	不搬唆是非	不恃強凌弱
不如富欺貧	不許人陰私	不毀人成功
不污人名節	贊成人婚嫁喜事	受享知愧
勸化人莫嫖賭	見當救者即救	凡可寬者必寬
不包藏禍心	隨處生歡喜	絕交不出惡聲

不言人祖父卑微	勸導人家庭和好	勸止人骨肉乖離
不窺人私書寄柬	借人之物如己物	謀人之事如己事
排難解紛	扶引瞽盲	風雷寒暑勸戒房事
遇大風勸人勿渡江	不談人閨閫事	戒食牛犬
體恤奴婢勞苦	長說因果勸化人	救一切蟲蟻生命
快馬往來指人趨避	若嬰兒瞽盲在側	急攜閃開
勸人莫置粗重物於箱囊	恐人錯認財帛	招患
勸人嚴戒嬰兒觀燈看會	以免躋踏拐騙之害	

乘車坐轎應憐人力。遇高險處。尤宜步行。

船脚車夫。各有家口。養活。勿趨程過分。令其致病。

沉般橋基。宜插標水面。令人知避。

銅爐底。易燃。席褥。戒人小心。

溝澗暗有深坑。宜指引粘帖。以曉行路之人。

士人不費錢功德

尊重聖賢書籍 盡心起發生徒 不出入衙門

不書寫詞狀 有關係事不輕言 不編造歌謠淫詞

不昧心黨護親睚 不將聖賢言語作笑談 不起人混名籍號

農家不費錢功德

耕種及時 不阻斷路徑 不拋棄五穀

不耕佔無主墳墓 不侵奪鄰田疆界 不私落主人種糧

不縱六畜殘鄰菜苗 不阻塞鄰田水道 耕牛老病不替屠人

百工不費錢功德

不妄費材料 不輕毀成物 不行厭魅法

不作淫巧技 製造必求堅實 不攬哄人興造

不傳三家隱微

不因簡慢輒生壞念

不推延口工

商賈不費錢功德

不賣低假貨物

不高抬市價

不用大戥小秤

不謀奪生理

不賣汚穢餽饌

不欺童叟

人來買急需貨物不故意措勤以圖重財

不忌他人生意茂盛彼此多方譏毀

醫家不費錢功德

遇急病請到即行

不因費金薄不赴

不因風雨寒暑不赴

不飲酒燕樂不赴

診脈望問都要仔細

撮藥要詳酌對症

不強不知以為知

不冒不能

為能

不因貴藥減分數

不用霸藥求速效

不賣假藥誤人

療貧人病不責謝

見病人用好語寬慰

語病家耐心調攝

不賣毒藥

不以相反藥同器浸漬

不賣墮胎藥

不因禮疎輒起惡念

不因重病險癘說狠語嚇人

扶騙多金

不互相訛謗令病家惶惑

不惜工夫藥味都要泡裂如法

堪輿陽宅家不費錢功德

多讀書以資學問 驗舊墳舊居廣眼界 初聘不責贊儀

事後不索重謝 只平心論理 是非不强扭

直言吉凶 偶誤即改悔 理氣巒頭不可偏廢

休輕論房分起人兄弟爭端。

勿妄遷舊墓。敗人祖父成業。

念墓家禍福攸關。常存天理。

忌自己陰功所係。休昧良心。

公門人不費錢功德

隨力為人方便 凡事替人解和 不負官長委托

不生枝節騙詐 不輕敗人體面 不瞞官入人罪

不唆盜扳陷仇家 不杖人腿灣 不聚杖一處

不乘危恐嚇凌人 不撥官營私害人 不凌虐人

兵丁不費錢功德

不妄殺平民 不淫人妻女 不强索酒食

不挾詐良善 不勒買貨物 不開場網利

婦人不費錢功德

孝敬公姑

和睦妯娌

不墮胎溺女

不凌嫌丈夫

不虐婢妾

不恃寵滅正

不說人私情

不咒罵人

不忌有笑無

不殘害婢妾所生

嫡庶不造端讒毀

前妻子女體看待

不在公姑丈夫前搬唆是非致令人口不和

不倚母家富勢傲夫家不恃父母昵愛欺哥嫂

嫁婢女持擇好人家不計身錢

此本家長事而反責
重婦人者柄多持內也

僕婢工役不費錢功德

不背主外向

不誤主委託

不倚勢強買

不糜費柴米

不傳說主人隱事

不霉壞主人衣物

不激怒主人等

不以至少肆欺誘

主人貧懦不生玩侮

不因至責妄行詈

不推奸躲懶

不剋落銀錢

不拋棄酒饌

不搬弄是非致家不和

不評論主人好友

僧道不費錢功德

虔誠供奉神佛

謹守律儀

永斷葷酒

誓戒淫邪

不冒破布施

不募騙鄉愚

不傷殘同類

鼓鑞不頑戲

虔誠諷經禮懺

富家費錢功德

造橋

平治道路

賑保知交親暱

施夏茶冬湯

愍災難設法周全

遇饑荒開倉賑濟

見流移人多方安

捐修金設立義學

刊刻經驗藥方送人

別送善書勸化人

拯救鰥寡孤獨

收養遺棄嬰孩

助人婚葬

委曲代償官錢

免極貧人債負

官長約

論行善是人人分內事。原無那箇該行善那箇不該行善的說話。也沒有那箇善是人所能行的。那箇善是人所不能行的說話。只是有一等善事。凡人力量萬萬做不來的。惟有做官的輕輕就做來了。且是凡人行善一善且成一善。只有做官的人做一件善事。便勝如凡人百件善事。千件善事。萬件善事。更有一件勝人萬萬件的善事。以此做官的人。更當急急行

善更與凡人不同。爲甚說做官的行一件善事便勝人百件千件萬件萬萬件。比如做州縣官的便是一州縣民命所關。他若行善。那一州縣百姓都受他的福了。州縣既受他的福。那天怎不報他以福做府官的。便是一府民命所關。他若行善。那一府的百姓都受他的福了。一府既受他的福。那天怎不報他以福到了做可道的。做總督巡撫的便是一省民命所關。其善愈廣。其福愈大。直到了做科道九卿六部

小小便利事。有司官行得。若是要與大利除大害。必須督撫代爲題請。若是有司官申詳上去。督撫不替他題請。縱有好司道官。好有司官。要行好事。也不能勾完全圓滿。至於六部九卿奉行朝廷的善政。必是先行督撫。督撫後行。所屬看來六部九卿。要行好事。也須督撫替他實實去行。若做督撫的不實心督率所屬官吏。着實去行。縱是科道部院要行。也是不能勾完全圓滿。所以做督撫大官的上可以通得。

朝廷的呼吸下可以雪得民間的疾苦。要興大利無有不興。要除大害無有不除的。真是行一件善事。直抵得凡人百千萬件。以至於萬萬件的做這樣大官的。豈可當面錯過。我今設一譬喻。譬如入大海取寶的。其中珍珠瑪瑙。瓊瑤琥珀。種種色色。任人所取。獨是有一顆徑寸的明珠。養在驪龍領下。有一枝七尺的珊瑚。長在海底石上。若妄取這兩件寶貝。却不是八人福分。可以妄想得。必須造下大船。製下鐵網。

又有澹臺滅明下水斬蛟的手段。然後取得那夜明珠珊瑚樹來。取得這樣寶貝。便是世代子孫受用不盡的了。但是如今做大官的。未免錯認路頭。竟把做官行善。看做兩樁事了。因何說他看做兩樁。我常見做官的人。說到興利除害的事。便說朝廷立定的法度。誰敢更張。却不道朝廷立的法度。那一件不是利民的。若還法久弊生。正要做大官的。說明利害。奏請更改。那有坐視百姓困苦。只守定舊樁的道理。

如今做大官的。那箇不是好善的。但只謹守法度。未免見義不爲。只到宦成回家。另做一番善事。不過是齋僧造佛。佈施福田。看來却是小小善事。放着一件勝如萬件的善事。爲何不做。却來取此小善。只因將做官行善看做兩椿了。殊不知做官正是好行善的時節。行善正是做好官的本領。那有駕着大船。拿着鐵網。不取那夜明珠珊瑚樹。却來拾取殘珠剩寶。豈不是錯認路頭了也。獨有牧民的有司官。要行善事。

往往多有掣肘。必待上臺允行。方敢放心去做。然雖如此說。據我細細想來。也不爲難。比如今日有司問一的決。問一折贖。也要詳過上司。三回兩駁。委是煩難。到了夾棍梭子。任意施行。二十板五十板。往往立斃杖下。此事又何嘗定要申詳。可見上司掣肘的。反是小事。轉是關係性命生死的大事。反得自己操縱。所以親民的官。最要仔細。夾棍板子。最怕手滑。我只用一塵。循後便加力幾倍。我只用動手一摸。百姓

使去了血肉幾多。一般皮肉。我疼他豈不疼。他疼我又何忍。果係情真罪當。打他也不爲過。若還非罪無辜。於我定然損福。做有司官的。如可容得忽畧。若論大刑一節。尤爲不可輕用。當勿設立大刑。原爲凶犯強盜。屢刑不招的。用此拷訊他的真情。如何尋常事體。老實百姓。也用這等非刑。大約官府好用大刑。只是不奈煩瑣。他說重刑一用。人都懼怕。後來不打就招了。此說大有病痛。若是凶犯強盜。求他也不爲枉。

若還未經官刑的人。一用此刑。多致殘廢。甚則老少虛弱的人。立時送命。最可憐憫。當時緹榮女說道。死者不可復生。斷者不可復續。正是此等刑法。做父母官的。如何容得輕易。還有一種鄉愚。從來未見官府。一到法堂。言語錯亂。官府動了疑心。致用大刑的。又有一種言語蠢直的人。應對官府。也是這般粗糙。官府動了嗔心。致用大刑的。又有官府盛怒之下。愚民不知進退。致令撲案叫怒。加力責治的。也能立斃杖。

下。又有爭鬪考成。或係欵件。上司着緊行牌。要緊要處。或是請見上司。爲着某事。面加責讓。也能火上加油。不顧百姓死活。但念身爲有司。猶如人家的媳婦一樣。當受公婆煩惱。須想名爲父母。就有不肖兒女。也望爺娘周全。於萬分難忍的事。切要忍得。於一時難耐的煩惱。也要耐得。但實得一分。百姓就受我一分之恩。但緩得一刻。百姓就受我一刻之福了。至於催徵錢糧。這是考成大事。如何寬得緩得。只是要百

計十方。設出一個妙法來。便省了無窮板子。省了無窮板子。便是積了無窮陰德。既不累我考成。又與百姓作了福。豈不是兩便之道。豈不强如那一味亂打。的官。錢糧又催不起。考成又誤了。百姓又受了苦。自己的陰德。又虧損的麼。所以做父母官的。一毫用不着火性。只要細細商量。事事留心。人人訪問。自然有絕好的政事出來。至於詞訟一節。便要留心。替百姓申冤理枉。是不消說了。還有要緊的事。不可輕提婦

女不可輕監家屬。不可拖累無辜。這就有無量的功德了。大約那做有司的。一日之間有無數善事該做。切莫輕易放過。將這零星小善。等閒看了他。那做大官的。取得夜明珠珊瑚樹。固是受用不盡。我如今將那珍珠瑪瑙瓊瑤瑤零星寶貝。積得堆山接嶺的。也就敵過那夜明珠珊瑚樹。也就世代子孫受用不盡了。所以說做官行善。勝如凡人百千萬件。不是虛脾混話。正是實實道理。只要人打起精神來。猛力行

去。不但自己高官子孫。朱紫就是那登仙證果也。從這裏做得來的。若只恁的混帳。不免福力有限。也有不做官的日子。却不道當權若不行方便。如入寶山空手回。豈不錯過了好光陰也。我還有一句緊關的話頭。索性與做官的說了罷。如今做官的人。不要把自己等閒看了。大凡做官的。都不是凡人。都不要小覷了自己。不是前生修來的。就是祖宗積來的。不是天上星辰降下來的。就是仙佛果位中應化來的。所

以他出娘胎胞時。就有些氣概不同。此處最要認得。分明知道來歷。若曉得是前生修來的。前生積善。纔有今生。今生不積。恐沒了來生的了。急急行善。猶恐其遲。若曉得是祖宗積來的。祖宗積了。有我今日。我今積了。又有子子孫的後日。愈積愈厚。愈積愈久。日後子孫世代做官。豈不可羨。若是我今不積。猶如祖宗儲下萬貫家財。到我手裏。都用盡了。便沒子孫用的了。這樣看來。我在祖宗分上。也算不得好子孫。在

我子孫分上。也不叫做好祖宗了。如何不急急行善去。曉得是星辰降下來的。仙佛應化來的。正要致君澤民。不負上天生我之意。若還只是受享祿位。目前早已墮落。如何不急急行善去。若說我是天生的福人。富貴是我該受享的。百姓是我管轄。我該役使他的。他該供應我的。如此話頭。誰去與他辨論。只是人生福報。也有限量。譬如那會射箭的人。也有射到一百步的。也有射到二百步三百步的。不論多少步。數

到底箭要落地。到此田地。大家自見分曉。那行善的人。五更半夜。都是安穩的。到那回首時。多有好光景。也是說不盡的。那為不善的人。平時血氣用事。不信天地鬼神。只到臘月三十日。手忙脚亂。血氣已盡。良心發現了。平日所作所為。一一現前。或自己首過。或央人救他。那天官說馳騁過頭的話。一切都用不着了。却也悔之晚矣。我今再說一件故事。與做官的人聽。當初宋朝有箇王韶。是個極有才幹的人。他當

初不合一念差了。要取那大功名。上了本。自己要去開邊展上。他就收了熙河一路。也不知殺了多少人。也就做到安撫使的大官。他那心上。不知怎麼却有一點子過意不去。一日到甘露寺間遊。遇着那高人刁景純。他開口問那景純道。以王法殺人。可有罪過麼。那刁景純說得好。你也莫問有罪無罪。只要你打得過心下去。那王韶硬着口答道。打得過去。那刁景純又說得好。若打得心下過。便不來問我了。今來問

我還是打不過心下去。王韶便默默無語的去了。後來那王韶得病。只將兩手緊合着那兩眼。人叫他開了眼。他回說開不得。眼前有無數沒頭沒脚的人立在我面前哩。這却不是那收熙河時殺的冤鬼麼。到此時候。良心發現。自己欺瞞不得。那從前硬口的語。一切都用不著了。却不是大可懼的事。如何不急行善去。又有古人說。如今做官。只要謀爲好。打點得到。自然有官做。那裏管甚麼行善不行善。此等

言語。我也不與他辯白。只是你看天下偌多的人。多少文章好。不中的。多少才幹好。不能勾做官的。多少鑽謀營求。不得到手的。難道做官的。只憑謀爲打點不成。你只看又有多少老實頭。不會謀爲營求的。也照樣做大官。又有多少不顧官爵。一味只是行善的人。依舊也至大位。誰不會見說。某人是爲善壞了官的。可見做官的。也不是單單靠着謀爲打點的。說來說去。還是他命裏帶來的。咦。說到此處。急須看眼分

明一樣的人。如何偏你命中帶得富貴來。還是你前
生修來的。還是你祖宗積來的。還是星辰降下來的。
佛應化來的。做官的好聽在下的言語。切莫迷了然
真。切莫錯了念頭。切莫差了道路。前生修的。莫教今
生壞了。祖宗積的。莫教我身耗了。星辰降來的。仙佛
化來的。莫教此生墮落了。往來生身上想。一想。從子
孫分中算一算。急急行善。切莫遲疑。趁我事權在手。
努力發心。多多做此好事。落得名垂萬古。福滿人天。

言語。我也不與他辯白。只是你看天下借多的人。多
少文章好。不中的。多少才幹好。不能勾做官的。多少
鑽謀營求。不得到手的。難道做官的。只憑謀為打點
不成。你只看又有多少老實頭。不會謀為營求的。也
照樣做大官。又有多少不顧官爵。一味只是行善的
人。依舊也至大位。無不曾見說。某人是為善壞了官
的。可見做官的。也不是單單靠看謀為打點的說來
說去。還是他命裏帶來的。嘖。說到此處。急須看眼分

明一樣的人。如何偏你命中帶得富貴來。還是你前
生修來的。還是你祖宗積來的。還是星辰降下來的
佛應化來的。做官的好聽在下的言語。切莫迷了然
真。切莫錯了念頭。切莫差了道路。前生修的。莫教今
生壞了。祖宗積的。莫教我身耗了。星辰降來的。仙佛
化來的。莫教此生墮落了。往來生身上想一想。從子
孫分中算一算。急急行善。切莫遲疑。趁我事權在手。
努力發心。多多做些好事。落得名垂萬古。福滿人天。

一。同無二。往往有府州縣得了好官。要行好事。不得
鄉官幫助。就行不去的。也有府州縣。沒有興利除害
的官。地方上有幾箇好鄉紳。也救得一半。看來鄉紳
關係地方不小。所以鄉紳行善。也有一件事。勝平常
人百千萬件的。且如那牧民官。初到地方。任是聰明
特達的。土俗民情。那裏就知。惟有這鄉紳。卻是鄉生
土長的。那一件事。他不知。常時官府到任。要訪求民
間的利害。没人說與他。那官長也只說地方中無利

可興無害可除也就罷了。也有地方中有偌大利害。那耆民百姓人等。要來條陳的。或是鄉間愚人。不會到過衙門。見了官長。舉止失措。不能申達下情。又或有能言會說的。多是不合道理。利口噤噤。又有一等奸狡利徒。借題條陳。假公濟私。不是實實利弊。所以道達民間利弊。這個担子。專是鄉紳的責任。且是鄉紳平日有望的官長。自然欽敬。說來無有不依從的。縱有疑難的事體。從公起見。委出敷陳也。役有不行

的理。這樣看來。世上好事。那官長也只做得一半。那一半。還要鄉紳出來做了圓滿。這豈不是一件勝如百件千件萬件的善麼。說來只用我開口。不會要我解囊。也只算做不費錢的功德。也不叫做甚麼費力的事。但是如今鄉紳。有兩等見解。橫在胸中。所以不能行那一件勝如百件千件萬件的功德。有一等鄉紳。平常緘默不言。只是身家重事。纔去關說。這豈不是本分的。但只是自了身家。總不肯替人做些好事。

恐也。幸負了頭上進賢冠。又有一等鄉紳。只要閉門養重。就是身家事。也不肯向公祖父母開口。只要人說他清介孤高。卽有官長虛心來請教。也只半吞半吐。不肯替他擔擔子。卻不思同居一塊土地。地方上那個不仰望我。若與得幾樁利。除得幾件害。那三黨九族。也沾我些恩惠。傳到後代子孫身上。也有些光彩。何苦抵死不開口。況且從公起見。官府也自明白。那裏就損了我的名節。虧了我的聲望。此一等也是自

私自利。與前邊那一等爭差幾何。古人說得好。一介之士。苟有心於利物。於人必有所濟。堂堂一個鄉官。與一介之士不同。若曾做過科道的。便是林下也有激揚的責任。若還歷過銓衡。也是有點陟之權的。若再做過尚書閣老。更該爲國分憂。眞安這一方百姓。方爲不負朝廷。不是只一味杜門謝客。便算做賢士大夫也。看來肯替地方造福。纔是真正第一等好鄉紳。替地方造得一分福。便有一分人品。也就有一分

陰騭留與子孫了。造得十分福。便有十分人品。也就有十分陰騭留與子孫了。自利利人。一舉兩得。就是平日有些小小過誤。也都抵過了。畢竟好鄉紳子孫。自然是書香不斷。若還一味緘默。見義不為。就是清如伯夷。廉如陳仲子。也不過是個自了漢。假饒做到極品。也不過是一代顯業。那有餘慶到得子孫身上。只可惜這不費力。又不費錢。一件勝人百千萬件的功德。等閒放過了。也算不得讀書明理。有大見識的。

人。我如今還有一等善事。也要鄉紳做去。這卻不費錢。文不要央求官長。但須要實實行去。方算得功德。看來這功德。比那興利除害為地方造福的事。友覺難此。但只是能行了這功德。子孫世代書香地方也受福不淺。說來鄉紳都是大根器的人。那裏有害人的事。只無奈子姪弟男習氣不好。就做出那不尷不尬的事來。再有那門下犬馬。與豪奴悍僕。狐假虎威。就要湊成十分。再是各各宦家彼此做效成風。把那

要便宜占上風的事。當做理之當然。就有無窮受害的了。鄉紳那裏盡知。有人說他不是他。還要怪那說話的人哩。殊不知極好的鄉紳家。造出極不好的事。都是此輩所爲。所以鄉紳家。第一要教子弟。教子弟不是單單教他做文章。第一要教他明道理。教出一箇明道理的子弟來。便是家門之福也。實是地方之福。第二就要教家人。那生事害人的掌家。不是主人得意的親隨。就是公子介弟的寵幸。這裏最要覺察。

一些不到。就要被他瞞過了。就要受他的負累了。至於投在門下的人。多是要假我的勢力。行他的胸臆。鄉紳們或見他才諛。要用爲腹心。不知一旦線索在手。他就用起主人來了。莫說前朝大老家。有廖瑩屯董心葵。那一班門客。就是平平宦家。也須有箇負隅之虎。中山之狼。食心之蟲。哩。這樣人。切不可收留在門下。用那奴僕們。寧可要朴實良善的。平日常要戒飭他。不許他生事害人。這樣循官。就是古來凍太丘。

王彥方那一班人也不過如此。這雖不會爲地方興利除害。那地方受他的福也不少了。我還有一件善事。也望鄉紳們做去。卻是鄉紳家力量優爲的。一發是下費錢的。大凡一方有一個鄉紳。便爲那一方的表範。鄉紳家好刻薄。那一方都學得刻薄了。鄉紳家好勢利。那一方都學得勢利了。若還有一個鄉紳。儉朴淳篤。謙虛好禮。尊賢下士。凡事讓人。那一方中那個不敬重他。仰慕他。也就大家倣效他了。可見鄉紳

原是一方的表帥模範。風俗的美惡。人心的厚薄。都從這鄉紳身上做出來的。若有好鄉紳。表正得一方。化得那一方的風俗。都是好的。人心都是厚的。那一方的善。都歸那鄉紳了。豈不是一件。勝如百千萬件麼。又有一件好事。尤望那鄉紳們做去。也算做不費錢的功德。鄉紳家成人的田房產業。原是要留與子孫受享的。遇着那人家不肖子孫。將田產來賣與我。我就該生警言戒心。要想到自己子孫身上。價銀照時

價要從厚些。許他的銀子。剋期給與他。還要欸欸問他何處用。勸他切不可浪費。那不肖子孫。或者因這大人君子勸化他。從此學好。豎立起來。也不可。遇那駭愚子孫。將那田產來賣的。就當生憐憫心。要想到自己子孫身上。照前與他的價銀。交付銀子時。還要好好問他那裏用。或是替他照料。一照料。或者那駭愚的人。不受人的欺弄。也不可。若遇着人家有至急的事。倉皇棄產的。卻不要乘危措勒他。卻不要

顛倒頓挫他。別家兩次三番兌銀子。我卻一天平兌足與他。濟他之急。若有可以替他排解的去處。替他排解。一排解。遇有可以鎮壓的。替他鎮壓。一鎮壓。卻不准折他銀子。那人就受我的許多福庇。這功德也就不小了。如此成產如此長厚。自然子子孫孫。千萬世受享不盡矣。我今另有幾件費錢的功德。更望鄉紳們着力做去。這費錢的功德。除了鄉紳。誰人能行。說來。却又。是鄉紳本分內該行的。那鄉紳們受了

朝廷的高爵厚祿原該替地方上做好事。的。既讀了聖賢的書明白道理原該見義必爲的。況且又有極多的利益。慶流子孫的妙處在裏面如何不行。只是有那齷齪小見的人捨不得銀子。何他說不得獨有那大本領大見識。大度量。有大福祿的人。一說即明一撥便轉聽了就去行的。那費錢的事。也不是一件。我且畧說幾樁。比如那緊急錢糧。官司。拶打着鎖禁。血比。百忙裏無處設法。竟要賣兒賣女的。我替他勢

了錢糧。免了敲比。完了骨肉。這豈不是極大的陰功麼。或遇着故家舊族。或係先賢後裔。有那子孫流落。下賤的。我極力拔出火坑。或見先賢墳墓無人看守。被人侵佔。或是崩圯的。我替他清出來。修整完備。豈不是感動幽冥的好事。又如遇大路橋梁。要津往來的。或倡率修造。或獨力完成。如遇饑荒年歲。餓莩流離的時候。勉力賑濟去。或遇生日彌月。省了筵戲。或施貧人。或賑獄囚。或遇天寒酷冷。施捨綿襖。或遇時

行瘟疫。盛暑癘痢。聘請名醫。開局施藥。或遇枯骨。暴露。備棺掩埋。或遇路上死人。施與棺木。或施夏茶冬湯。豈不是萬人感仰。鬼神欽敬的事麼。如此等事。誰不要做。誰不知是好事。爲何行者稀少。只因有箇疑關。打他不破。所以不能發心。大約是看那銀子是現有的功德。實落受用。那陰功善事。還是渺茫的。又恐銀子用去。後來沒有接濟。又或說我用銀子救人。未必肯拿銀子來救我。不過是這幾種念頭。打算不

定。所以不能發心。就是有人勸他。也是半信半疑的。卻不知銀子是箇渺茫閃爍。捉拿不定的東西。陰功善事。反是箇實落有據的。只是不曾參津得透。所以委決不下。我今且按下陰功善事。先請鄉紳先生。將這銀子的機關。勘驗他一勘驗。若勘破了這銀子機關。自然要發心行善了。先請鄉紳先生。從自己身上。勘一勘。如今我的銀子。可是祖宗留下的。不是祖宗留下的。若是祖宗留下的。也就不消說起。若不是祖

宗留下的。可見生下我來。就有我的福分。也不是靠
靠着祖宗的。我生下那子孫來。又有子孫的福分。也
不是靠靠着我的。我的銀子。今日用了行善。做功德
何愁日後沒這東西。也該放心用他。再從子孫身
上。勸一勸那子孫聰明。才能還要像我做鄉紳。也不
用我積攢銀子與他。若還不能爲鄉紳。遺留與他的
忒多了。我生前又不曾積德。這銀子恐反成了子孫
的禍胎。勸到這裏。這銀子也該發心用來行善了。再

請鄉紳先生。更從自己家裏勸一勸。日日要吃飯。是
少不得這銀子的。箇箇要穿衣服。是少不得這銀子
的。還要娶親嫁女。也是少不得這銀子的。除了這幾
件事。銀子也就用不着了。何不拿來行善事。積陰功
呢。怎奈那鄉紳。堆金積玉。只是哭窮。只說是不勾用
的。我想他那裏不勾用。那會見不勾買飯吃。不勾買
衣服。不勾娶親嫁女。多只是不勾他侈靡浪費罷了。
若將這銀子浪費了。卻也可惜。何不將來行善事。積

陰功。勘到這裏。也勘破十分了。難道還捨不得用。還不去行善積德麼。我還有一句苦口的言語。篤勸鄉紳先生。若叫鄉紳先生們。傾囊倒篋。盡數用去行善。委是也難。若是只將浪費侈靡一項節省了。去做好事。有何難處。且是將那無益的煩費。行那有益的陰功。豈不是極妙的事。怎奈鄉紳先生。又欠高見。只說我們官家體面所在。不得不然。我今再將體面兩字。大家商量一番。恩周三堂。這是鄉紳的體面。澤及九

族。這是鄉紳的體面。萬民感仰。諸人欽敬。這是鄉紳的體面。若只是衣服華麗。筵席整齊。房屋軒昂。這也不算做體面。比如鄉紳生事害人。這叫做沒體面。或是占田霸地。這叫做沒體面。行止有虧。清議不容。這叫做沒體面。若還是老實本分。不好奢侈。難道就是沒體面。且將那誇多鬪靡的銀錢。都用去行善作功德。積得于門高大。子孫世代做鄉紳。人人賽他。不過這卻是極大的體面。只是如今鄉紳先生。一向豪華

慣了。我如今勸他儉樸本分。省了銀錢。做這行善的。勾當不免說我們酸氣。亦且他是要自家受用的。如今勸他損已利人。不免又笑我們酸氣了。又有一等鄉紳先生。從那寒窓困苦中來。他把這銀子未免看得太重了。我們向他說這等話。不是申舌擺手。就是掩口搖頭。這也不必評論是非。只是要鄉紳先生再將那銀子的機關。着實的再勸他一勸。這銀子原是天地間的神物。是浪費他不得的。卻又是窖藏他不

得的。你若是浪費了他。他就福過災生了。你若是窖藏了他。他就變生怪異了。只如那晉朝何曾。他生在世家。奢侈慣了。一日間用了一萬錢的作料。還說沒有下筋處。到得兩代後。他的子孫。就沒有衣食。貧窮下賤了。那何曾還是箇有識見的。尚且如此。豈不是暴殄過分了麼。又見有許多財富人。家房屋衣冠華麗。僭越。或惹得貪酷的官長動了火。就無辜想吃他。或生事的光棍。借題陷害抄沒了他。或盜賊平空打

劫了他。我也數說不盡。豈不是奢侈的沒理了麼。只有那窖藏的。自謂留與子孫。世世受享。卻不知銀子這一件神物。真是作怪。那銀子所在。人人側目。銀子越多。惹禍更速。那怕你會算計。會收拾。不知怎麼樣。就有箇不測之事。取了他去。這也是說不得的。我請鄉紳先生們試看如今。可有箇二十年三十年無事的財主。麼。向這裏看一看。這銀子也是不消窖藏他的。且道這銀子窖藏他不得。浪費他又不得。畢竟

如何纔是我今分明說破了罷。只有用他去行善。萬無一失。有了陰功善事。鬼神就來庇護他。天地也來保佑他。沒銀子的。也就有了銀子。有銀子的。一發世世享用不了。這陰功善事。猶如點化的大丹一般。那銀子遇着他都分外精彩起來。也就用之不盡了。又如那鎮庫的寶貝一般。那銀子有了他。都一毫沒處走失。如此看來。可見那銀子。反是箇捉拿不定的。陰功善事。反是箇實在有據的。勘破了這箇機關。自

然要發心行善。做那費錢的功德了。我今再說箇現成的榜樣。與諸先生看。當初那范文正公。也是箇窮秀才。他在長白山讀書時。斷葷畫粥。極是清苦的。後來做了宰相。他卻不把銀子放在眼裏。一日命公子范純仁收租去。運了八百石麥來家。路上行善事。都給與人了。回來見父親時。文正公問他。此行可遇着故人否。公子說道。遇着故人石曼卿。他說家有三喪未舉。那文正公便說道。何不將那麥舟助他。公子回

說已與之矣。你看這范先生父子們。是何等樣手段。是何等樣度量。文正公又在蘇州買了一箇南園。有風水先生說。此地氣脉極旺。將來要出一十芝蔴的進士。那文正公說。有這些進士。我家如何獨占了。遂推爲學舍。就是如今蘇州的府學。這學中真也出了無數的舉人進士。都是范家讓出來的。這是何等樣心腸。何等樣識見。誰知那范家的舉人進士。卻也不少。自宋朝直到如今。那一科沒有范家人。這豈不是

古今第一等的大功德。輕輕被范文正公做去了。古今第一等的便宜。整整被范文正公占盡了。只是他有了那大識見。方有這大度量。有了這大度量。纔有他這大手段。有了這大手段。纔有他這大福分。如今他的鄉紳先生。也有做過尚書閣老科道九卿的。也有做過督撫司道有司的。其中豈無范文正公這樣人品。忠宣公這樣公子。只是要信得真切。大發良心。大開手段。照依那浪費的樣子。堂堂做去。那古今第一

等的大福分。管取到手。又豈止那百千萬倍。真乃是萬萬倍的利益也。吁。利益如此。我知賢士大夫。自當勇往直前。決不肯因循卻顧。坐讓便宜。以與人矣。

兩約言。忠告善道。法異兼施。救世仁心。最爲諄切。要知官長鄉紳。總一人而已。在官爲官長。在鄉爲鄉紳。亦總一心而已。爲善於鄉者。居官定有惠政。爲善於官者。居鄉定有令聞。舉斯加被。初不過自盡其心。而所及者甚廣矣。今以一人倡之。數十人

和之。千人倡之。數百人從而和之。無量億人又從而和之。一時倡之。數千百世又從而和之。天地之心。生民之命。萬世之平。皆在於此。其功德豈可思議乎哉。昔孔子告季康子曰。子欲善而民善矣。風行草偃。勢所必至。上行下效。理有固然。然則正已率人。化成美俗。端有賴於在位之君子。有道仁人主持世教。烏可以不深念也。

傳家寶

新珠

揚州石成金天基集著

一字寶

善。

此字乃人生日用之至寶也。但凡存心說話行事。此字俱刻不可離也。

此寶不獨自身受用不盡。卽子孫亦受用不盡。古人云。善爲至寶。生生用心作良田。世世耕。但不可始勤終怠。更不可望効心急。包管大有受用。至於忍字。恕字。皆從此字運出。

傳家寶

珠

利

二願

選關聖帝君語

願天常生好人。願人常行好事。

二願甚宏。非大聖人。不能有此。安得即遂所願。

二惟 選范純仁語

惟儉可以助廉。惟恕可以成德。

儉則無貪淫之累。故能成其廉。恕則無人我之私。故能進於德。

二寧

增一事寧。減一事。

謂無益之事。

多一言寧。少一言。

謂無益之言。

無益之事莫行。免得勞神費力。無益之言莫說。免得招是惹非。

二能

事當快意處能持。言當快意處能任。

事當快意處能持。不特此生可免寂寥。且可駕馭造化。言當快意處能任。不特終身自少尤悔。且覺趣味無窮。

二無

盡心則無愧。平心則無偏。

心盡則職亦盡。自無愧。忤於己。心平則政亦平。自無偏私於人。此居官至妙之法。亦應事至妙之法。

二多

浮躁多敗事。罷輒多廢事。

世人之病。只此二件。總之於事無濟。

二少

閒事少。管則鮮咎。閒言少。說則省過。

何必自尋咎過。天下本無事。庸人自擾之。

二從

病從口入。禍從口出。

慎其所入。防其所出。始可免於病禍。

二莫

不可行之事。口莫說。不可說之事。心莫萌。

人前行得出的。方可說。人前說得出的。方可行。夫

約無不可對人說的就無不可對天地鬼神說

二當 選蔡虛齋語

立身當高一步 處人當下一步

持已待人之法只要此二句已盡之矣

二常看

德業常看勝如我者則愧憤日增 要向上想就知恥

福祿常看不如我者則怨尤自息 要向下想就知足

能體上句則學問愈精能體下句則快樂無窮

二宜學

富貴人更宜學善良 聰明人更宜學忠厚

人在貧賤時為善善有限為惡惡亦有限無其力

也。一當富貴中為善善無窮為惡惡亦無窮有其

具也。所以富貴者乃成敗禍福之大關不可不更

加慎重也。至於聰明人若不渾厚定多天死以其

發洩太盡也。花之千瓣者多無實亦是此理

二不妄

不妄求則心安 不妄作則身安

妄求者求未必得而精神虧虛妄作者作未必成而資財耗損

二必無

待有餘而後濟人必無濟人之日 人心怎得足

待有暇而後讀書必無讀書之時 人事怎得閒

凡事不可因循等待若因循等待必致貽誤可惜

二只消

見人不是處只消一個容字 處已難過處只消一個忍字

有容德乃大有忍事乃濟

二不如 選黃山谷語

百戰百勝不如一忍 萬言萬當不如一默

予每見有等人浮氣一動輒上天下地無所容身 祇成其愚耳孰知老聃妙法討多少便宜

二莫若

欲人勿聞莫若勿言 欲人勿知莫若勿為

言說於人所不聞。必傳於人所共聞。事作於人所
不見。必發於人所共見。俗云。牆有縫。壁有耳。又云。
若要人不知。除非己不為。卽此義也。

十三在。選關尹子語。

困天下之智。不在智而在愚。窮天下之辯。不在辯而在訥。
服天下之勇。不在勇而在怯。

世人笑他沒用。誰知正是他的大有妙用。

良人三思。

少思其長則務學。老思其死則務教。有思其無則務施。
人不可不憤發。

三天

天薄我以福。吾厚吾德以迓之。
天勞我以形。吾逸吾心以補之。
天阨我以遇。吾亨吾道以通之。
不必怨天。止當盡其在己。若能如此。修持自有回
天之力矣。

三養 選蘇東坡語

安分以養福。寬胃以養氣。省費以養財。
若過分則享用日豐而福日薄。若食多則胃不清
而氣下滯。若費多則財有限而後不繼。

三磨

世路風霜吾人鍊心之境也。 世情冷暖吾人忍性之地也。
世事顛倒吾人修行之資也。

大丈夫處世不可少此磨鍊。玉磨成器。鐵鍊成鋼。

三不知

不到極逆之境不知平日之安。 不遇至刻之人不知忠厚之易。
不經難處之事不知適意之巧。

事非經過則不知當推想其難。則眼前俱成極樂。

三不可

清是做官本等却不可矜清傲濁。 以立品言。
慎是居上細心却不可慎大忽小。 以存心言。
勤是從政實地却不可勤始怠終。 以行事言。

此三不可是居官最妙之法亦是處已最妙之法

三可惜

此生不學一可惜。此口閒過二可惜。此身一敗三可惜。世人失一財一物。輒曰可惜。正當如此大可惜之事。反不可惜。豈不真可惜哉。

三無不

兩悔無不釋之憾。兩求無不合之交。兩怒無不成之禍。

四好

選關聖帝君語

做好人。行好事。讀好書。說好話。

予曾過鎮江。瞻仰關聖親筆篆碑。筆力古勁。真堪世寶。予因贅演四句曰：在生一日須做一日好人。處世一日須行一日好事。得閒一時須讀一時好書。對客一時須說一時好話。予又贅增四句曰：存好心。交好友。習好業。居好地。請高明改正。

四本 選朱文公語

勤儉治家之本

讀書起家之本

和順齊家之本

循理保家之本

此四本之論。可謂親切而著明矣。雖王文肅本箴一篇。未能勝過也。人人當勸之家廟。永為世寶。予又贅演四句曰。富之根本。全在勤儉。貴之根本。全在讀書。喜之根本。全在和順。福之根本。全在循理。予又贅演四句曰。肯勤儉。必然致富。肯讀書。必然發貴。肯和順。必然生喜。肯循理。必然享福。予又贅

反四句曰。不勤儉。難免饑寒。不讀書。難免下賤。不和順。難免離散。不循理。難免禍害。請教高明。是否

四計 選朱文公語

一家之計在於和

一生之計在於勤

一年之計在於春

一日之計在於寅

父慈子孝。兄友弟恭。夫婦和睦。奴婢馴良。此治家之要計也。欲求生富貴。須下死工夫。雖人之俗談。實理之極當。至於耕種宜早。勿失其時。早起三朝

當一工。若不加意於勤謹則居家涉世雖欲從容快樂未必得也。子文贅反四句曰。一家之計長若不和衆無所依。一生之計幼若不勤老無所安。一年之計春若不耕秋無所望。一日之計寅若不起日無所辦。祈高明改之。

四守 選孔聖人語

聰明智慧守之以愚 功蓋天下守之以讓
勇力振世守之以怯 富有四海守之以謙

此是持已待人最妙之法。子因贅演四句曰。勿恃明而過察。勿自大而小人。勿仗勇而輕敵。勿倚富而欺貧。高明讀之何如。

四則 改顧東橋語

言行擬之古人則德進。功名付之天命則心閒。報應念及子孫則事平。受享慮及缺乏則用儉。依第一句則無情矣。依第二句則無妄矣。依第三句則無惡矣。依第四句則無奢矣。

四德

富以能施為德

貴以下人為德

貧以無求為德

賤以忘勢為德

木無土不能長。人無德不能昌。固要有其德耳。

四必 以司馬溫公語

小非必懲德之本也

微命必護壽之源也

粒穀必珍富之根也

隻字必惜貴之基也

人能依此四必其德壽富貴自必有矣。

四貴

齒以堅毀故至人貴柔

刃以銳摧故至人貴渾

神龍以難是稱故至人貴潛

滄海以汪洋難量故至人貴深

老子最妙之法只此四貴即已說盡

四當 選蘓東坡語

無事以當貴

早寢以當富

安步以當車

晚食以當肉

此安貧快樂法也。予文贅增四句曰無辱以當榮

無禍以當福。無愁以當仙。無累以當佛

四法 刪改呂叔簡語

安詳是應事第一法

涵容是待人第一法

謙退是保身第一法

灑脫是養心第一法

後人增寧耐是思事第一法。要知已在安詳二字內矣。後人又改第四句曰置富貴貧賤死生常變於度外是養心第一法。要知已在灑脫二字內矣。為學者只是心平氣和四個字。便無所處而不當。至於境界之順逆。一槩諉之於天數。則世間事無

有能擾吾意者。是外以遇人。內以持身。道莫備焉。

四召 增林和靖語

不自重者取辱 不自畏者招禍 不自滿者受益 不自是者傳聞

禍福無不自已求之者。

四心 改陳眉公語

以愛妻之心愛親則大孝 以保家之心保國則盡忠
以責人之心責己則寡過 以恕己之心恕人則全交
人但反其所向。則敦倫涉世之道。無往而不盡良。

四耐

耐貧賤不作酸語

耐炎涼不作激語

耐是非不作辯語

耐煩惱不作苦語

能如此誠世間大度漢有許多作為有許多受用

四莫 選邵康節語

人非賢莫交 物非義莫取 事非見莫說 念非善莫舉
予謂人有醜事雖見亦不可說

四勿 改韓魏公語

無益之人勿親 亦勿學

無益之事勿為 亦勿看

無益之書勿讀 亦勿存

無益之語勿說 亦勿聽

此四語即前列關聖四好之註予文贅增四句曰
無益之念勿舉 無益之地勿往 無益之文勿作 無

益之物勿置

四少 選關尹子語

少言者不為人所忌

少行者不為人所短

少智者不為人所勞

少能者不為人所役

只須學此四少。則可駕御一世。而遊亦有餘矣。信乎以約失之者鮮矣。予因贅演四句曰。少言者可以杜禍。少行者可以藏拙。少智者可以習靜。少能者可以節勞。予又贅反四句曰。多言多敗。多行多患。多智多苦。多能多累。

四無

貧不足羞。可至是貧而無志。賤不足惡。可惡是賤而無能。老不足歎。可歎是老而無益。死不足惜。可惜是死而無補。

此四者總關無志。雖是為人却枉過一世矣。

四受用

閒中不放。過忙處有受用。靜中不落。空動處有受用。暗中不欺。隱明處有受用。少時不怠。惰老來有受用。要預存受用之處。方得受用。否則無受用矣。

四常想選錢純中語

健時常作病想。可以保身。裕時常作乏想。可以守家。少時常作老想。可以力學。活時常作死想。可以進道。

人無遠慮必有近憂。

四勿謂 改邵二泉語

勿謂一念可欺也。須知有天地鬼神之鑒察。

勿謂一言可輕也。須知有左右前後之假竊。

勿謂一時可逞也。須知有子孫禍福之報應。

勿謂一事可忽也。須知有身家性命之關係。

夫一念一言一時一事之不可忽如此。是大有得於中庸戒慎恐懼之說。魯論臨深履薄之語者人。

之生斯世也。能守此四語。則自正心誠意。以及齊家治國平天下之道。皆不出此範圍矣。

四所以 改張學仕語

心不妄念。身無妄動。口無妄言。君子所以存誠。

內不欺己。外不欺人。上不欺天。君子所以慎獨。

不愧父母。不愧兄弟。不愧妻子。君子所以宜家。

不負天子。不負生民。不負所學。君子所以用世。

有此不妄不欺不愧不負。纔不虛生。

四要知 改陳眉公語

處富貴之地要知貧賤人的苦惱
在少壯之時要知老年人的辛酸
居安樂之場要知患難人的景况
當傍觀之境要知獨內人的痛癢
不獨只要知道還要存心體貼。

四不與

輕言動之人不可與深計 易喜怒之人不可與遠謀

好便宜之人不可與其財 多狐疑之人不可與共事
言動輕浮者量必不深喜怒容易者情必不久利
徒多欺疑心多變此四者乃知人待人之良法。

四無妄 選邵康節語

耳無妄聽 目無妄視 口無妄言 心無妄慮
予又贅增曰事無妄為誠哉妄之一字為害甚大。

四莫盡

福莫享盡 勢莫使盡 話莫說盡 事莫做盡

有福莫享盡。福盡身貧窮。有勢莫使盡。勢盡冤相逢。福兮常自惜。勢兮常自恭。人生驕與奢。有始多無終。大凡一切言語事務。俱留餘地。纔有受用。

五知

知恩。知道。知命。知非。知幸。

不知此五件。便不成人。

五節

言語知節。則愆尤少。

舉動知節。則悔吝少。

飲食知節。則疾病少。

愛慕知節。則營求少。

歡樂知節。則禍敗少。

節者謂中庸之道。因不能盡絕而發此語。

五關

仁厚刻薄是修短關。

謙虛盈滿是禍福關。

勤儉奢惰是貧富關。

保養縱慾是人鬼關。

爲善作惡是天堂地獄關。

出此入彼。全在於一心。不可不慎。

六生

公生明 偏生闇 誠生祥 端慤吉通 詐譎生害 誇誕生惑

六知 選陳眉公語

靜坐。然後知平日之氣浮。守默。然後知平日之言躁。省事。然後知平日之費閒。閉戶。然後知平日之交濫。寡慾。然後知平日之病多。近情。然後知平日之念刻。人之生斯世也。無非語言動作。然多一事。則有一

事之累。少一事。則有少一事之樂。乃知大學問。俱從省事得來。當以斯六知語。終日三復。

六悔 改寇萊公語

官行私曲失時悔 富不儉用貧時悔

藝不少學老時悔 見事不習用時悔

醉發狂言醒時悔 安不將息病時悔

與其悔之於後。莫若慎之於前。孔子曰。慎行其餘。慎言其餘。總是一段兢業心思。但人之一世。不堪

數悔常銘此心使不至於或悔則庶幾矣

六戒

我戒毀言則人得清淨 我戒嗔怒則人得和樂

我戒橫取則人得保守 我戒挑逗則人得安常

我戒邪色則人得完名 我戒爭競則人得順暢

即此自治便是以福惠施人也否則縱能布施幾人而言語行事之中或指及者眾得不償失准折銷算其何能濟

六常想

即命當榮顯常作落寞想 即事當順利常作拂意想

即現頗足食常作貧窶想 即人相愛敬常作恐懼想

即家世望重常作卑下想 即學問甚優常作淺陋想

隨在皆有不敬自恃之心此亦履盛知謙之意也

六不如

與其燒香求福不如為善 與其念佛免禍不如去惡

與其妄取施惠不如勿取 與其濫費於人不如省費

與其結交權勢不如敦倫 與其買物放生不如戒殺
凡人不思內省故每求之於不可知君子內省是
務但論其見在而盡其所當為故寧在此而不本
彼也其孰得孰失何去何從當必有辨之者

七毋

毋以床第耗元陽

毋以飲食傷脾胃

毋以小嫌而疎至感

毋以新怨而忘舊恩

毋以言語損現在之福

毋以田地造子孫之殃

毋以學術而害天下後世

此七條世人犯者頗多都要切戒

七不知

不曾經過刀兵水火之苦不知太平之福
不曾經過凶荒饑莩之苦不知豐稔之福
不曾經過生離死別之苦不知團聚之福
不曾經過事變禍害之苦不知安穩之福
不曾經過饑寒逼迫之苦不知飽煖之福

不曾經過疾病痛楚之苦，不知康健之福。
不曾經過險峻風波之苦，不知坦靜之福。

人能常想此七條，雖處逆境而適在皆快樂矣。予
又撰有十快樂十幸，當與此義互看。已刻快心集
內茲不復載

八生 選魏元君語

道生於安靜 德生於平退 福生於清險 命生於和暢
患生於多慾 過生於輕慢 禍生於多貪 罪生於不仁
精義妙理 字字至言

八治

正心治邪 讀書治愚 參禪治想 獨卧治淫
安分治妄 量力治貪 服藥治病 痛飲治愁
正心甚則達理 讀書甚則見道 可見功效尚多

八輕

輕言者多悔 輕動者多失 輕諾者寡信 輕毀者寡信
輕合者易離 輕喜者易怒 輕取者必爭 輕聽者必疑
是以君子貴乎特重重則不遷 不變待乎天理人

情之至當。浩浩然如千頃之波。人莫測其涯。渙矣。

九莫生

選王陽明語

家衆拂意莫生，煩惱念否？安食身健莫生，淫慾念否？
丘園清淡莫生，營植念否？道侶離索莫生，昏惰念否？
懷君意重莫生，田舍念否？炎涼相迫莫生，烟火念否？
朝市事聞莫生，光榮念否？聲力加遺莫生，搆憾念否？
捉衾肘見莫生，遮羞念否？

有一於此，皆足以損性靈而壞堅貞，不可不察也。

此可為學人對病之藥

十常

起念常教純正

出語常畏因果

富貴常憐困窮

快樂常恐災禍

未來常存戒懼

現在常思知足

衣食常想來處

動靜常付無心

逆境常當順受

冤結常求解脫

人若守此十常，永無煩惱矣。

十思

選楊尚書語諱出端居攻苦常以此十思銘於座右以自省

量思寬

犯思忍

勞思先

功思讓

坐思下

行思後

名思晦

位思卑

守思終

退思早

此自責自強之法夫思曰睿睿作聖思義甚大矣

十方便

選陸平泉語

尋方便在濟貧饑寒良可憫推解莫厭頻

尋方便在敬老光景迫桑榆居食須安飽

尋方便在息爭羣小喜相義知調仗端人

尋方便在申枉鑒彼覆盆冤周旋脫羅網

尋方便在憐才美哉後來儁勿惜齒牙推

尋方便在矜愚昏柔莫輕侮啓翼須勤渠

尋方便在撫孤伶仃悵無依顛危亟相扶

尋方便在惜下僕役皆人子百事從寬大

尋方便在掩骸白骨雖已朽游魂實堪哀

尋方便在除惡寧獨忍斯人惡除良民樂

居官處世信能行此十件可稱宇宙元人

十要得

於見善時要行得

於過失時要改得

於貧窮時要耐得

於辛苦時要受得

於拂意時要忍得

於煩惱時要遣得

於私欲時要遏得


於言語時要檢得

於濃熱時要淡得

於久遠時要恒得

人能守此十要一生快樂有餘矣





一字寶

善

此一字乃人生日用之至寶也。但存心說話行事。以字俱刻不可離也。

此寶不獨自身受用不盡。即子孫亦受用不盡。古人云。善為至寶。生生用心作良田。世世耕。但不可始勤終怠。更不可望勤心怠。包管大有受用。至於忍字恕字。皆從此字運出。

二惟

惟儉可以助廉

惟恕可以成德

儉則無貪滄之思。故能成其廉。恕則無人我之私。故能進於德。

二寧

增一事寧減一事

多一言寧少一言

無益之事莫行。免得勞神費力。無益之言莫說。免得招是惹非。

二從

病從口入

禍從口出

慎其所入。防其所出。始可免於病禍。